


# TEZAU LITURGIC

27 MAI

# ACATISTUL SF. MĂRTURISITOR IOAN RUSUL DE LA PROCOPION



MOSCOVA, 2000



# Ака́фист свято́му пра́ведному Иоа́нну Ру́сскому

## Конда́к 1

Избра́ннаго испове́дника Христо́ва и  
чудотво́рца предивнаго, / поборо́ника святы́я  
ве́ры правосла́вныя, / Ру́сскою земле́ю  
рожде́ннаго и в земли́ Елла́ды возсия́вшаго, /  
свята́го пра́веднаго Иоа́нна похва́льными  
пе́снями почти́м; / ты же, уго́днице Бо́жий, я́ко  
предстоя́й пред Престо́лом Царя́ Сла́вы, / от  
вся́ких нас бед свободи́, с любо́вию и  
благодарэ́нием зову́щих ти: // Ра́дуйся,  
страда́льче пра́ведный Иоа́нне, терпе́нию и  
кро́тости нас науча́й.

## И́кос 1

А́нгелов Творе́ц и всея́ тва́ри Созда́тель избра́  
тя, пра́ведне Иоа́нне, во е́же наро́ды Святы́я  
Руси́ и Елла́ды духо́вно соедини́ти, и яви́ ты  
Церкви́ Своёй Святе́й вели́каго чудотво́рца,  
иму́щаго к Нему́ дерзнове́ние моли́тися о  
исцелэ́нии неду́гов душе́вных и телесных, о  
избавле́нии от вся́ких бед и скорбе́й. Те́мже мы,

сынове рускии, благоговейне преклоняем пред тобою колена сердец наших и умиленно глаголем:

Радуйся, земный ангеле и человече небесный;  
радуйся, благодати тезоименный.

Радуйся, кротости и послушания образу;  
радуйся, молитвы благоуханное кадило.

Радуйся, терпением злобу мира сего  
победивый;

радуйся, венцем исповедническим от Господа  
украшенный.

Радуйся, земли Азии подвиги своими  
озаривый;

радуйся, чудесы твоими землю Еллады  
наполнивший.

Радуйся, Русская звездó земли вся  
просвещаяй;

радуйся, отечество земное молитвами твоими  
не оставляй.

Радуйся, Христа ради на земли пострадавший;  
радуйся, с Ним на Небесех воцаривыйся.

Радуйся, страдальче праведный Иоанне,  
терпению и кротости нас научаяй.

## Кондак 2

Ви́дя Хри́сто́с Госпо́дь благо́е наме́рение  
се́рдца твоего́, Иоа́нне блаже́нне, предна́черта  
ти терни́стый и многотру́дный путь спасе́ния:  
егда́ был еси́ с во́инством ца́ря Петра́, плени́ша  
тя ага́ряне и в раба́ прода́ша в зе́млю Асии во  
град Проко́пион, иде́же ты пребы́л еси́  
непоколебимъ в ве́ре правосла́вней и жизнь  
твою́ посвяти́л еси́ Бо́гу, непреста́нно усты́ и  
се́рдцем воспева́я Ему́: Аллилу́ия.

## И́кос 2

Разум́ богопросвеще́нный и ве́ру  
несумне́нную имёл еси́, свята́че Бо́жий, егда́  
гне́ва ага́рян не устраши́вся, испове́да себе́  
христиа́нина бы́ти и ра́достно восприя́л еси́  
би́ения, у́зы желе́зные, огне́м жже́ние и мно́ги  
му́ки нестерпимы́я. Те́мже вси, таково́му твоему́  
дерзнове́нию и му́жеству дивя́щися, глаго́лем:

Ра́дуйся, во стра́се Бо́жии до́бре  
воспита́нный;

ра́дуйся, зако́ну Госпо́дню ве́рно науче́нный.

Ра́дуйся, от ю́ности твоея́ всего́ себе́ Бо́гу  
преда́вый;

ра́дуйся, в моли́тве утеше́ние духо́вное  
обрета́вый.

Ра́дуйся, зло́бы ага́рян не устраши́выйся;  
ра́дуйся, му́ки нестерпи́мая побéдно  
претерпе́вый.

Ра́дуйся, за Го́спода распя́того огне́м от  
мучи́телей опале́нный;

ра́дуйся, Христо́вым Страсте́м в телеси́ твоём  
приобщи́выйся.

Ра́дуйся, терпе́ние крёпкое во страда́ниях  
яви́вый;

ра́дуйся, от ве́ры правосла́вныя не  
отступи́вый.

Ра́дуйся, Христа́ еди́наго всем се́рдцем  
возлюби́вый;

ра́дуйся, во́ине Христо́в непобеди́мый.

Ра́дуйся, страда́льче пра́ведный Иоа́нне,  
терпе́нию и крото́сти нас науча́й.

### **Конда́к 3**

Си́лою Вы́шняго укрепля́емь, со дерзнове́нием  
пропове́дал еси́ Еди́наго И́стиннаго Бо́га пред  
мучи́тели твоими́. Злочести́вый госпо́дин твой,  
наде́ясь улови́ти тя и к ве́ре своёй привле́щи,  
те́ло твоё нача́т истязати́. Ты же, страстоте́рпче

Христов, жестокая биения от него претерпевая, укрепляющему ты Богу из глубины сердца воспевал еси: Аллилуия.

### Икос 3

Имея в души своей пламенное желание последовати Агнцу Божию, пострадавшему спасения нашего ради, праведне Иоанне, не убоялся еси мучений и молился еси за враги твои и мучители, и от веры во Христа никакоже отступил еси, вопия Ему: «Ничтоже мя разлучит от любви Твоея, Христе Боже». Сего ради величаем ты сице:

Радуйся, веры Христовы адаманте несокрушимый;

радуйся, о мире сем молитвенниче усердный.

Радуйся, даже до крове за Христа пострадавый;

радуйся, в мужестве непоколебимем пребывый.

Радуйся, в мучениях благодатию свыше укрепленный;

радуйся, свирепство мучителей победивый.

Радуйся, Страстем Христовым подражателю;

радуйся, врагов Церкви посрамителю.

Ра́дуйся, ве́ру, наде́жду и лю́бовь к Бо́гу до  
конца́ сохрани́вый;

ра́дуйся, по́двигом твои́м христиа́н  
Проко́пиона возвесели́вый.

Ра́дуйся, в се́рдце твоём о́браз Христа́  
носи́вый;

ра́дуйся, страда́ньми за Него́ Ца́рство  
Небе́сное насле́дивый.

Ра́дуйся, страда́льче пра́ведный Иоа́нне,  
терпе́нию и кро́тости нас науча́й.

#### **Конда́к 4**

Бу́ря лю́тых мук и страсте́й ми́ра сего́ не  
потопи́ корабля́ души́ твоея́, пра́ведне Иоа́нне,  
ты бо в теле́сном плене́нии благоду́шие и  
кро́тость, незло́бие и смире́ние яви́л еси́, и я́коже  
А́нгел, на земли́ пожи́л еси́, в трудéх, постé и  
моли́тве подвиза́ясь, кесарю́ кесарево, а Бо́жие  
Бо́гови отдава́я, по сло́ву Го́спода, но́щию же без  
сна пребыва́я, о прощ́ении сво́их согреш́ений,  
наипа́че же о творя́щих ти оби́ды и озлобле́ния  
моля́ся, с лю́бовию поя́ Бо́гу: Аллилу́ия.

#### **И́кос 4**

Слы́шавше и ви́девше дивное́ твоё́ жити́е,  
смире́ние и премно́гую добродéтель, гонители́

твої удивішася и прославляху тебе́ яко  
чолові́ка праведна. Егда́ же лю́тый госпо́дин  
твой узре́ в дому́ сво́ем моли́тв твої́х ра́ди  
изобі́лие во всем и даде́ тебе́ осла́бу, ты, огне́м  
любе́ ко Го́споду окриля́емь, умно́жил еси́ труды́  
подви́жническия, на всяку́ но́щь теч́ением слез  
помо́ст притво́ра церко́внаго в моли́тве ороша́я.  
Помози́ у́бо и нам подража́ти тебе́, укрепи́ нас,  
от мглы́ страсте́й изба́ви и да́руй му́жество  
духо́вное всем прибега́ющим ко предста́тельству  
тво́ему и вопи́ющим тебе́ тако́ва́я:

Ра́дуйся, уничиже́нием тво́им убо́гому Ла́зарю  
уподо́бивыйся;

ра́дуйся, терпе́нием тво́им с  
многострада́льным Йо́вом сравни́выйся.

Ра́дуйся, смире́нием Христу́ усер́дно  
подража́вый;

ра́дуйся, по́двигом тво́им А́нгелов удиві́вый;

Ра́дуйся, трудо́м приле́жный, земно́му  
госпо́дину ве́рно послужи́вый;

ра́дуйся, крото́стию и бла́гостию сво́єю  
се́рдце его́ умягчи́вый.

Ра́дуйся, за творі́вших ти оби́ды моли́твы  
возноси́вый;

ра́дуйся, зло́бу их на ми́лость преложи́вый.

Ра́дуйся, на па́перти церко́вней но́щи в  
моли́твах проводи́вый;

ра́дуйся, среди́ мра́ка злове́рия благоче́стием  
просия́вый.

Ра́дуйся, я́ко за ненави́дящих и оби́дящих нас  
моли́тися подвиза́еши;

ра́дуйся, я́ко любве́ и милосе́рдия ко всем  
люде́м исполня́еши.

Ра́дуйся, страда́льче пра́ведный Иоа́нне,  
терпе́нию и кро́тости нас науча́й.

### **Конда́к 5**

Боготе́чная звезда́, от Святы́я Руси́  
возсия́вшая, яви́лся еси́, блаже́нне Иоа́нне,  
блиста́я чистото́ю а́нгельскою, и луча́ми  
добродете́лей твои́х зе́мли Асии́ и Елла́ды озари́в.  
Егда́ же ты бо́лен бе, и день своея́ кончи́ны от  
Бо́га ве́дая, восхоте́л еси́ причастити́ся Святы́х  
Христо́вых Та́ин, иерей, Бо́гом вразумле́нный,  
принесе́ тебе́ Святы́я Да́ры во я́блоце, ихже  
прие́м, пра́ведную ду́шу твою́ в ру́це Бо́жии  
пре́дал еси́, и свети́льник нося́, полн е́лея до́брых  
дел, вшел еси́ в Ца́рствие Небе́сное, во е́же  
непреста́нно со все́ми святы́ми воспева́ти всех  
святы́х Святе́йшему Сло́ву: Аллилу́ия.

## И́кос 5

Ви́девшѣ лю́дие гра́да Проко́пиона  
богоу́годное жити́е твоѣ и блаже́ннующ кончи́ну,  
со слеза́ми и благоговѣ́нием погребо́ша тѣло твоѣ  
во хра́ме свята́го великомученика Гео́ргия. По  
кончи́не же твоѣй мно́зи недужнии, не то́кмо  
правосла́внии, но и лати́няне, и ага́ряне,  
получа́ху исцелѣ́ния у гроба́ твоего́, благодарѣ́ние  
Бо́гу принося́ще. Сего́ ра́ди тебе́ я́ко тѣплому  
моли́твеннику о всех стра́ждущих взыва́ем та́ко:

Ра́дуйся, се́рдце твоѣ покая́нными слеза́ми  
омы́вый;

ра́дуйся, пла́чем и моли́твами к сме́рти себе́  
приугото́вивый.

Ра́дуйся, я́ко всех оби́дящих тя прости́л еси́;  
ра́дуйся, я́ко незло́бием Христо́вым ду́ха  
зло́бы победи́л еси́.

Ра́дуйся, в чистоте́ ду́шу и тѣло сохрани́вый;

ра́дуйся, кончи́ну свою́ предувѣ́девый.

Ра́дуйся, пра́ведно жизнь земну́ю сконча́вый;

ра́дуйся, возлюбив́шему тя Го́споду ду́шу  
преда́вый.

Ра́дуйся, я́ко венце́м безсме́ртия от Го́спода  
венча́лся еси́;

ра́дуйся, я́ко вѣ́чной ра́дости по сме́рти приобщи́лся еси́.

Ра́дуйся, я́ко це́рковь великому́ченика Гео́ргия прия́т честное́ тѣло твое́;

ра́дуйся, я́ко во оби́телех Небе́сных водвори́ся свята́я ду́ша твоя́.

Ра́дуйся, страда́льче пра́ведный Иоа́нне, терпе́нию и крото́сти нас науча́й.

### **Конда́к 6**

Пропове́дник чуде́с и сла́вы Бо́жия яви́ся кли́рик не́кий гра́да Прокóпиона, егда́ узре́ в со́ннем видѣ́нии блаже́ннаго Иоа́нна, повелева́ющаго откры́ти гроб, в нёмже обрета́ются нетле́нныя мо́щи его́. Те́мже ве́рнии моли́твенно возопи́ша ко Го́споду, да яви́т Он лю́дем мо́щи Своего́ избра́нника, зову́ще со благодарѣ́нием Ему́: Аллилу́ия.

### **И́кос 6**

Возсия́л еси́, я́ко но́вое свети́ло все́му христиа́нскому ро́ду, пра́ведне Иоа́нне, егда́ Бо́жиим изволе́нием обрѣ́тено бы́сть нетле́нное и благоуха́нное тѣло твое́, источа́ющее оби́лие чуде́с всем с ве́рою к твоему́ заступле́нию

прибегающим. Темже уврачуи и возвесели нас,  
верою и любовью тебе взывающих:

Радуйся, на земли, яко безплотен, поживый;  
радуйся, праведниче Божий, в чудесех  
просиявый.

Радуйся, иерею церкви святого Георгия  
явивыйся;

радуйся, святыя мощи твоя тому открыти  
повелевый.

Радуйся, яко Христос с Небес на святыя  
мощи твоя знаменем указа;

радуйся, яко столп огненный над ними  
Господь чудно яви.

Радуйся, яко нетлением тело твое Господь  
прославляет;

радуйся, яко благоуханием от него Той  
верных возвеселяет.

Радуйся, яко мощей твоих демони трепещут;

радуйся, сосуде Божественныя благодати.

Радуйся, яко во Царствии Небеснем со  
святыми пребываеши;

радуйся, яко и нас грешных на земли не  
оставляеши.

Радуйся, страдальче праведный Иоанне,  
терпению и кротости нас научаяй.

## Конда́к 7

Хотя́щим враго́м град твой разори́ти и мо́щи твоя́ огню́ преда́ти, яви́ся стра́шное и пресла́вное чу́до: во́ини уви́деша ты, Иоа́нне, стоя́ща посреде́ огня́ и оста́вити град гро́зно им повелева́юща. Ти́и же о ви́дении ужасо́шася и вон бежа́ша и никоего́же зла сотвори́ша. Ве́рнии же лю́дие па́ки обрето́ша мо́щи твоя́, к ни́мже и мы припа́дающе, вопи́ем Бо́гу победну́ю песнь: Аллилу́ия.

## И́кос 7

Но́ваго ты чудотво́рца и моли́твенника во времена́ последня́ дарова́ нам Человеколю́бец Госпо́дь, егда́ ве́ра оскуде́, лю́бы охладе́, наде́жда поколебáся. Те́мже мо́лим ты, пра́ведне Иоа́нне, не оста́ви нас, грешных и сла́бых, в го́дину испытáний, укрепí моли́твами тво́ими всех лю́бящих ты и вопию́щих ти такова́я:

Ра́дуйся, ве́рных наде́ждо и заступле́ние;

ра́дуйся, неверных страх и посрамле́ние.

Ра́дуйся, я́ко по́двиги тво́ими град Прокóпион освяти́л еси́;

ра́дуйся, я́ко моли́твами тво́ими зе́млю Елла́ды облагоуха́л еси́.

Ра́дуйся, свет Христо́в в се́рдце твоём  
носи́вый;

ра́дуйся, тьму жи́зни на́шея све́том о́ным  
озаря́й.

Ра́дуйся, о лю́дех страны́ Гре́ческа  
моли́твенниче неусы́пный;

ра́дуйся, помо́щниче лю́дем ру́ским  
богодарова́нный.

Ра́дуйся, градо́м и хра́мом от разоре́ния  
защище́ние;

ра́дуйся, правосла́вных христиа́н ско́рое  
прибе́жище.

Ра́дуйся, я́ко ны́не со все́ми святы́ми  
Престо́лу Бо́жию предстои́ши;

ра́дуйся, я́ко неизрече́нную Сла́ву Госпо́дню  
созерца́еши.

Ра́дуйся, страда́льче пра́ведный Иоа́нне,  
терпе́нию и кро́тости нас науча́й.

### **Конда́к 8**

Стра́нник и пришле́ц был еси́ в стране́  
плене́ния твоего́, уго́дниче Бо́жий, взыску́яй  
Го́рняго Иерусали́ма, и та́ко бу́е мирски́м  
лю́дем, премудро́е же о Христе́ жити́е пожив,   
добродете́льми мно́гими к Бо́гу прибли́зился еси́,

научая всех верных искать единого на потребу. Сего ради Сам Господь, видя смирение твоё, возвеличи тя благодатию Своею, Егоже восхваляюще, поём Ангельскую песнь: Аллилуия.

### **Икос 8**

Весь был еси любви Божественныя исполнен, блаженне, светом благодати Божия сияя пред человеки, и святыя мочи твоя источник есть исцелений, сокровище чудес, небесных аромат вместилище. Сего ради, дерзновение велие ко Господу имея, молишися за христианы, во всем мире живущия, и верою тя на помощь призывающим пособствуеши. Не остави убо и нас благодатною твоею помощию и заступлением, да благодарно тебе зовём:

Радуйся, даром любви к Богу и ближним исполненный;

радуйся, верою чудодейственною озаренный;

Радуйся, в молитвах и бдениих предивный наш учителю;

радуйся, всех приходящих к тебе скорый утешителю.

Радуйся, росу исцелений верным источаяй;

радуйся, недуги лютыя прогоняяй.

Радуйся, милости сокровище неистощаемое;

ра́дуйся, правосла́вных приста́нище ти́хое.

Ра́дуйся, в со́ниих и видéниих стра́ждущих  
посеща́й;

ра́дуйся, в беда́х и напа́stech по́мощь им  
подава́й.

Ра́дуйся, страна́ниче, во Оте́чество Небе́сное  
вше́дый;

ра́дуйся, во всем ми́ре христиа́нством  
просла́вленный.

Ра́дуйся, страда́льче пра́ведный Иоа́нне,  
терпе́нию и крото́сти нас навча́й.

### **Конда́к 9**

Вся́кое естество́ челове́ческое удиви́ся,  
видевше чуде́са пресла́вная, от мо́щей  
пра́веднаго Иоа́нна истека́ющая, мно́зи у́бо  
восхоте́ша ча́сти их во ины́я места́ и гра́ды  
отдели́ти, о́баче всем хотя́щим взя́ти их ты,  
уго́дниче Бо́жий, возбра́нял еси́. Егда́ же  
святогóрцы ру́сского монасты́ря моля́хуся, да  
часть мо́щей твои́х да́руется им, благоволи́л еси́  
е́же принести́ им в вертогра́д Богома́тере  
десну́ю ру́ку твою́ в благослове́ние и утеше́ние.  
И бысть ве́лие торже́ство: вси ино́цы оби́тели  
Пантелеимо́новы, колéна прикло́ньше, срето́ша

десную́ ру́ку твою́, от гра́да Прокóпиона  
принесённую, воспева́юще Бо́гу  
благодарственную песнь: Аллилу́ия.

### И́кос 9

Ветии́ многовещáннии не возмо́гут изрещи́  
си́лу любве́ правосла́вных ё́линов, и́же изгна́ни  
бы́вше от Прокóпиона неvéрными, изнесо́ша  
многоцелёбны́я мо́щи тво́я, пра́ведне Иоáнне, на  
о́стров Ёввию, иде́же воздвиго́ша ве́лий  
благолéпный храм во и́мя твоё, в нёмже и  
положи́ша их. Те́мже и мы, моля́щися в хра́ме  
сем и предстоя́ще пред ра́кою твоёю, чудесы́  
благоуха́ющею, приле́жно мо́лим тя: услы́ши нас,  
твоего́ предста́тельства прося́щих и благоговейне  
вопию́щих:

Ра́дуйся, ве́рных и неvéрных в беда́х  
утёшителю;

ра́дуйся, хра́му, во и́мя твоё создáнному,  
Божёственный покрóве.

Ра́дуйся, страну́ Гре́ческую и лю́ди ея́  
возлюбивый;

ра́дуйся, я́ко мо́щами твоими́ во Елла́ду  
приити́ изво́ливый.

Ра́дуйся, гра́да Но́ваго Проко́пиона святы́й  
покрови́телю;

ра́дуйся, всей странé Гречестей незаходи́мое  
свети́ло.

Ра́дуйся, моща́ми твои́ми Го́ру Афóнскую  
посети́вый;

ра́дуйся, нетле́нною десни́цею оби́тель  
Пантелеимо́нову благослови́вый.

Ра́дуйся, я́ко бра́тии Афóнскаго вертогра́да в  
по́двизех ско́ро помога́еши;

ра́дуйся, я́ко и оте́чество твоё, Русь Святу́ю,  
не оставля́еши.

Ра́дуйся, я́ко и́мя твоё по всей вселённой  
призыва́ется;

ра́дуйся, я́ко ве́ра христиа́нская тобо́ю  
прославля́ется.

Ра́дуйся, страда́льче пра́ведный Иоа́нне,  
терпéнию и кро́тости нас науча́й.

### **Конда́к 10**

Спасе́ние в беда́х и напа́стех восхоте́в да́ти  
Госпо́дь ве́рным ча́дом Свои́м, яви́ нам тя,  
уго́днице Бо́жий, прия́л бо еси́ благода́ть цели́ти  
неду́ги всем притека́ющим к тебе́ с моли́твою:  
кровото́чивии бо и прокаже́ннии

прикоснове́нием к ра́це моще́й твои́х  
очища́ются, глу́сии слы́шат, осла́бленнии  
здра́ви быва́ют, слепи́и прозрева́ют. Мы же,  
помина́юще ско́рое заступле́ние твоё,  
благодарным гласом восхваля́ем Бо́га, пою́ще  
Ему́ песнь: Аллилу́ия.

### **И́кос 10**

Стена́ еси́ стране́ Гре́честей и наро́ду ея́  
благочести́вому, пра́ведне Ио́анне, и  
необори́мый заступник всем призыва́ющим и́мя  
твоё, зане́ тако благоволи́ Сам Госпо́дь бы́ти тебе́  
защитнику христиа́н не то́кмо земли́ Елла́ды, но  
всех любящих и чту́щих тя люде́й правосла́вных.  
Те́мже Елла́дския Це́ркве лю́дие, Афони́ских о́тец  
собо́ри, Руси́ Святы́я ве́рнии и во вся́кой стране́  
чту́щии Бо́га восхваля́ют тя си́це:

Ра́дуйся, стра́жу земли́ Елла́ды, нечести́выя  
отгоня́й;

ра́дуйся, всех благочести́вых люде́й ея́ от бед  
избавля́й.

Ра́дуйся, я́ко всем христиа́ном благодáтную  
по́мощь подае́ши;

ра́дуйся, я́ко целе́бныя да́ры повсю́ду  
то́чиши.

Ра́дуйся, от Го́спода власть на ду́хи нечи́стыя  
прие́мый;

ра́дуйся, си́лою Бо́жиею их изгоня́яй.

Ра́дуйся, оста́вленным врача́ми предивное  
поможе́ние;

ра́дуйся, от смертоно́сных язв мно́гим  
свобождéние.

Ра́дуйся, боля́щих младенцев благонаде́жный  
врачевáтелю;

ра́дуйся, скорбя́щих их родите́лей благи́й  
уте́шителю.

Ра́дуйся, пропове́днице покая́ния и ходáтаю о  
на́шем спасéнии;

ра́дуйся, учите́лю смиренному́дрия и  
долготерпéния.

Ра́дуйся, страда́льче пра́ведный Иоáнне,  
терпéнию и крото́сти нас науча́яй.

### **Конда́к 11**

Пе́ние всеуми́ленное прино́сим Христу́ Бо́гу,  
просла́вльшему тя, пра́ведне Иоáнне, я́ко дарова́  
нам вели́каго заступника, уте́шителя и  
молитвенника о спасéнии правосла́вных  
христиа́н, по всему́ лицу́ земли́ обита́ющих.  
Те́мже сла́вим тя, прося́ще твоего́

предстательства пред Господем о стране нашей Русской, да избавимся от нашествий иноплемённых и междоусобных брани, и возможем в мире и тишине воспевати Христу Богу песнь: Аллилуия.

### Икос 11

Светозарный светильник Божия благодати явился еси, праведне Иоанне, духовным сиянием подвигов твоих и чудес просветивый земли Азии и Еллады. Ты бо, Русскою землею рождённый, повсюду источаеши чудес множество и молишия о всех любящих и чтущих тя. Темже убо моли Христа Бога отечеству твоему и всей стране Гречестей непоколебимым и безмятежным быти, от навет вражиих и от агарянского нашествия их огради, воинству православному победы на враги даруй, да к тебе яко крепкому о нас молитвеннику зываем сице:

Радуйся, Церкви Вселенския преславное украшение;

радуйся, о людех православных пред Богом представителю.

Ра́дуйся, а́нгеле земли́ на́шея, во стране́  
Гре́честей просия́вый;

ра́дуйся, и во оте́честве сво́ем благоговейне  
почита́емый.

Ра́дуйся, во дни бед и испытáний чту́щим ты  
защитниче;

ра́дуйся, о любящих ты тёплый моли́твенниче.

Ра́дуйся, свети́льниче, омрачённыя ду́ши  
просвещáяй;

ра́дуйся, лампа́до злата́я, елеем ми́лости  
исполненна́я.

Ра́дуйся, ра́дости духо́вныя чту́щим ты  
пода́телю;

ра́дуйся, спаси́тельное всем христиáном  
прибе́жище.

Ра́дуйся, ко очи́щению от страсте́й  
путеводи́телю;

ра́дуйся, у Престо́ла Бо́жия о нас  
недостойных ходáтаю.

Ра́дуйся, страда́льче пра́ведный Иоáнне,  
терпению и крото́сти нас научáяй.

## **Конда́к 12**

Благода́ть Ду́ха Свята́го, живу́щая в тебе́,  
блаже́нне, дивно́ показа́ся в чудесе́х и

исцелённых от нетлённых твоих честных мощей, ихже любовью лобызающе, славим о тебе Христа Бога, дивнаго во святых Своих. Сего ради не забуди и нас, усердно призывающих тя во времена тяжких бед и напастей, от нихже молитвами твоими избави и не престани ходатайствовать пред Богом о даровании всем нам душевнаго спасения и телеснаго здравия, со благоговением поющим Ему: Аллилуия.

## Икос 12

Поюще подвиги многоболёзненнаго жития твоего, почитаем страдания, хвалим долготерпение, славим кротость и смирение, ублажаем святую твою кончину и чтим тя, яко Небеснаго предстаителя нашего, ты бо от бед и скорбей избавляеши, недуги врачуеши, печали утоляеши всех почитающих тя. Благодарим и величаем прославившаго тя Господа, даровавшаго нам дивнаго молитвенника и чудотворца, Егоже умоли спастися всем поющим ти таковая:

Радуйся, Царя Небеснаго добропобедный воине;

радуйся, великий Христов угодниче.

Ра́дуйся, я́ко пла́чем и скорбьми́ утешéния  
вéчнаго сподóбился еси́;

ра́дуйся, я́ко крóтостию своéю и смире́нием  
зéмлю пра́ведных насле́довал еси́.

Ра́дуйся, чистото́ю и целому́дрием от Бо́га  
украше́нный;

ра́дуйся, цвéтом неувяда́емым на Небеси́  
почтéнный.

Ра́дуйся, А́нгельских во́инств собесéднике;

ра́дуйся, ликóм преподóбных и пра́ведных  
совсéльниче.

Ра́дуйся, ми́лостивое заступлéние Бо́жия  
Ма́тере к нам приклоня́й;

ра́дуйся, со все́ми святы́ми Престо́лу Бо́жию  
ны́не предстоя́й.

Ра́дуйся, всех святы́х земли́ Ру́сския  
сонасле́днике;

ра́дуйся, нас освещáяй, любве́ светильниче.

Ра́дуйся, страда́льче пра́ведный Иоáнне,  
терпéнию и крóтости нас научáяй.

### **Конда́к 13**

О пречу́дный и пресла́вный чудотво́рче,  
святы́й пра́ведный Иоáнне, земли́ Ру́сския  
благода́тное рождéние, подви́жников Елла́ды

похва́ло и украше́ние. Приими́ от любящих́ тя ма́лое сие́ моле́ние и принеси́ е́ ко Христу́ Бо́гу на́шему, да сохра́нит нас от враг ви́димых и неви́димых, от недúга и гла́да, от вся́кия ско́рби и внеза́пная смёрти, и сподо́бит вку́пе с тобо́ю во Ца́рствии Небе́сном непреста́нно пе́ти Ему́: Аллилу́ия.

Сей конда́к глаго́лется три́жды.

И па́ки чте́тся и́кос 1-й, и конда́к 1-й.

### **Моли́тва 1**

О вели́кий уго́днице Бо́жий, святы́й пра́ведный Иоа́нне Ру́сский, просия́вый в земли́ Асии́ равноа́нгельным жити́ем твои́м, ре́вностию о Го́споде и по́двиги во испове́дании ве́ры Христо́вы, гра́да Проко́пиона Но́ваго и всея́ Елла́ды пресве́тлое украше́ние, богохра́нимей стране́ Ру́сской, лю́дем ея́ и во всем ми́ре живу́щим правосла́вным христиа́ном по́моще и кре́пкое заступле́ние! Благодарим Го́спода, дивна́го во святы́х Свои́х, в ве́ре и́стинней непоколебимо́ тя утверди́вшего, в стоя́нии за испове́дание ея́ укрепив́шего и до́брое сконча́ние по́двига многотру́днаго дарова́вшего,

последі́ же мно́гая и вели́кая чудеса́ нам явившаго́ чрез многоцелѣ́бную ра́ку моще́й твои́х. Ны́не, предстоя́ Небе́сному Царю́, испроси́ у Него́ изба́вити вся гра́ды и ве́си страны́ Ру́сския и земли́ Елла́дския от гла́да, тру́са, огня́, смертоно́сных болѣ́зней, от наше́ствий иноплеме́нных и междоусо́бныя бра́ни, исходата́йствуй христолю́биво́му во́инству на́шему во бра́нех с врага́ми оте́чества на́шего побѣ́ду и одоле́ние. Помози́ всем путеше́ствующим, боля́щим, в заточе́нии су́щим, ско́рби и гоне́ния за святу́ю ве́ру правосла́вную терпя́щим. Соедини́ всех правосла́вных люде́й люבו́вию ко Христу́ Бо́гу на́шему и Це́ркви Его́ Святе́й, да́руй нам дух любве́ и ми́ра к бра́тскому едине́нию всех ве́рных. Умоли́ Го́спода, да пода́ст нам дух покая́ния и сокруше́ния о гресе́х на́ших и всеси́льною Свое́ю благода́тию да помо́жет и укрепі́т в борьбе́ со страстьми́ и похотьми́, да да́рует нам дух смире́ния и крото́сти, дух братолю́бия и незло́бия, дух ре́вности по Бо́зе о спасе́нии бли́жних.

Помяни́ и нас грѣ́шных, моля́щихся тебе́: стра́ждущих и боля́щих исцели́, скорбя́щих

утѣши, бѣдствующимъ скорую помощь подаждь, всемъ же чтущимъ и любящимъ тя испроси христіанскую кончину живота, безболѣзненну, непостыдну, мирну и добрый отвѣтъ на Страшнемъ Судищи Христовѣ. Буди намъ помощникъ и покровитель во спасеніе, да твоими молитвами сподобимся в нынѣшнемъ и будущемъ вѣцѣ прославляти в Троицѣ покланяемаго Бога, Отца, и Сына, и Святаго Духа, ныне и присно, и во вѣки вѣковъ. Аминь.

## Молитва 2

О всеблаженный исповѣдникъ Христовъ и великій чудотворче Иоанне, Еввиинъ сокровище, Греческия страны похвало и людей Русскихъ сродникъ!

Ты в плененіи агарянствомъ лютаго мученія за Христа претерпѣлъ еси, благочестіемъ же своимъ подвиги и чудеса вѣрныя премного укрепилъ еси, неверныя же умягчилъ еси и просветилъ еси, по кончинѣ же безчисленными чудесы и исцеленьми просияваеши. Вѣмы, угодникъ Божій, яко велие дерзновение имаши ко Господу, намъ же, бѣдствующимъ, состраждеши тако тепле, яко не терпиши и зрѣти ны в лютыхъ

неду́зех или́ тяжких ско́рбех су́щих, и сего́ ра́ди и непри́зыва́емый ско́ро притека́еши, телеса́ и ду́ши врачу́я, бе́сы изгоня́я, заблуждши́я обра́щая, наипа́че же от младе́нец всякую бо́лезнь и го́ресть отгоня́я.

Се бо и ны́не греси́ мно́зи отяготи́ша ны и изнуря́ющими скорбьми́ ду́ши на́ша содро́шася, си́лы же телесны́я оскуде́ша, и ка́ко уны́нию и тя́гостней печа́ли противоста́ти возмо́жем, а́ще не ты сам, свя́тче Бо́жий, воста́неши по нас и проти́ву враго́в на́ших благода́тне ополчи́шися! Испроси́ же, благоприя́тными твои́ми ко Го́споду моли́твами, соверше́нное исцеле́ние телесны́ми недуги́ стра́ждущим, всем же спаси́тельное терпе́ние и благодарéние; ско́рби, бесо́вския наве́ты и искуше́ния отврати́; вся же, ели́ка попу́стит Го́спо́дь, научи́ во очище́ние понести́ благо́разумне; нас же, во тьме неве́дения и забвения́ за́поведей Бо́жих су́щих, просвети́, вы́ну неукло́нне твори́ти во́лю Бо́жию наста́ви, беспло́дия духо́внаго разреши́, очище́ние, освяще́ние и просвеще́ние душа́м на́шим да́руй; да с тобо́ю вку́пе просла́вим Всеблага́го Бо́га и Пречи́стую Богоро́дицу во ве́ки веко́в. Ами́нь.



**ПОЛНЫЙ  
АКАФИСТНИК  
КАНОНИЧЕСКИЙ**

**АКАФИСТЫ  
КО ГОСПОДУ БОГУ  
ПРЕСВЯТОЙ  
БОГОРОДИЦЕ  
АРХАНГЕЛАМ  
И АНГЕЛАМ**

†

НОВОЕ  
НЕБО